



Qetlîam, talan, koçberkirin, an jî cerdevanî

TC gundan ji mirovan paqij dike

Rûpel 8



Bibişirin zarokno, hûn li ku û di çi rewşî de bin bibişirin. Jiyanêke nû û azad ava dibe, bi hevî bin û bibişirin.



ENSTÎTUYA KURDÎ KONGREYA XWE ÇÊKIR

Enstîtûya Kurdî, ji bo dewra nû ku xebatên xwe bi lez bidomîne, kongra xwe çêkir û Heyata xwe ya Rêveberiyê hilbijart. Ji aliyê din ve, ji bo dewra nû li ser bername, û xebatên ku divê Enstîtû bike pêşniyar hatin pêşkêşkirin.

Rûpel 11



BAVÊ EŞO

Bavê Eşo eskerên Romê kirine sê şopan. Fenanî gurekî bikeve nava keriyê mihan, ji xwe re berx û beranan ji nav veqetîne. Gelekî ji wan di kuje, ihtimal e ji şûn ve vegere. Lê lê dayê heywayê, dayê heywayê, wele nayê, gazî dûr e, îmdad nayê.

Gavan Koçer
di rûpela 12'an de nivîsi

Tirkiye serîkî xwe yê mezin winda kir

Navenda Nûçeyan- Serokkomarê Tirkiyê yê 8. Turgut Özal, roja 17'ê Nisanê saet di 14.30'yan de ji ber sekteya dil mir. Mirina Özal a tafili, bando-reke mezin li ser gel û siyasetvanên Tirkiyê kir. Semra Özal bi bihîstina mirina Özal xerîqî û serom lê xistin.

Li gor daxuyaniyên doktoran, sebebê mirina Özal, ji westîna zêde pêk hatiye. Bi taybetî jî, gešta dawî ya komarên Tirkî ku 12 roj domiyabû li ser tendurustiya wî hikariyê mezin hiştiye û zorê gihandiyê. Serokkomarê Tirkiyê tevî emeliyeta By-Passê heta dema mirina xwe gelek emeliyatên girîng buhartin.

Cendekê Özal li ser wesiyeta wî, di roja 22'ê Nisanê de, li bajarê Stenbolê, li rex goristana Serokwezîrê Kevin Adnan Menderes hat definkirin. Adnan Menderes piştî Derbeya Leşkerî ya 27'ê Gulana 1960'î hatibû îdamkirin.

Beriya rakirina cendekê Turgut Özal, ji bo serokkomariyê gengeşî dest pê kirin. Li gor Qanûnê Bingehîn a Tirkiyê, divê piştî 10 roj mirina serokkomar, di nav 30 rojan de hilbijîna serokkomariyê were kirin û encamê jê bê standin. Ji ber vê xala Qanûnê Bingehîn, ji niha ve ji bo serokkomariyê navên çend kesan tê bilêvkirin. Li Enqerê di nav danûstandinên kesên siyasî de ev nav derbas dibin: Serokwezîrê Tirkiyê Süleyman Demirel, Serokê Meclîsa Tirkiyê Hüsamedtin Cindoruk, Cigirê Serokwezîr Erdal İnönü, Mebûsê SHP'ê yê Enqerê Mümtaz Soysal, Wezîrê Parêziyê yê Neteweyî Nevzet A-yaz ku mebûsê DYP'ê ye û derî kesên meclîsê navê Serokê Dadgeha Qanûnê Bingehîn Yekta Güngör Özden derbas dibe. S.Demirel ji wan tevan nêzîktirî hilbijartinê ye.

MIROVEK CIHÊRENG

Tirkiye bi mirina Özal re, siyasetvanekî xwe yê mezin winda kir. Turgut Özal hem di dema serokwezîrtiya xwe û hem jî di dema serokkomartiya xwe de, ji bo Tirkiyê guherînên mezin pêk anîbû. Biryarên 24'ê Çileyê di dema wî de hatibû çespendin.

Ji ber vê yekê mirin Özal hem li Tirkiye û hem jî li dinyayê xemgîniyê mezin afirand. Welatên kapîtalîst tevî Amerîka hevalbendekî xwe winda kirin.

Di dirûka Tirkiyê de, di nav rêveberên dewletê de, yên ku zêde li ser kirin û çespinên wan gengeşî û peyvîn tînin kirin yek jê jî Turgut Özal bi xwe bû. Özal di dema xwe de, di warê aboriya liberal de tiştên mezin kir û aboriya Tirkiyê bi aboriya dewletên kapîtalîst ve entegre kir. Her wisa di 13 salên dawî de Özal, ne bi tenê di warê aboriya liberal de, di qada siyasetê de jî guherînên



Turgut Özal Serokkomarê Tirkiyê yê 8. bû. Özal (li aliyê rastê) û Süleyman Demirel bi hev re.

girîng pêk anî û di her warî de şopên xwe dide xuyan. Bi vî rengê xwe Özal hişma kesên kemalîst, muhafezekar û militarîst kişandibû ser xwe. Tirkiye ji aliyê aboriya kapîtalîst ve di dema wî de û bi çespinên wî, xwe derxistibû serê gir.

Serokkomarê Tirkiyê Turgut Özal, ji bo guherînên siyasî û civakî jî, ji tiştê fikare nedikir. Bi vî rengê xwe jî bala gelek kesên nivîskar û rojnamevan kişandibû ser xwe: heta gelek rexneyên tûj jî, lê hatibûn kirin. Özal xwedî renek wisa bû ku tekilî her tiştî dibû. Ew ne mîna serokkomarên kevin dilebitî, bi tevger û ramanên xwe re kevneşopiyekê jî, ji holê radikir.

Li Tirkiyê di nav rêveberên dewletê de, kesên ku derî helkîrîna leşkerî, lê bi awayekî siyasî û demokratîk li pirsgerê Kurdî di-nihêrt Özal bû. Heta Turgut Özal ji bo çareserkirina gelşa Kurdî ramana "federasyon"ê jî avêtibû holê. Ji ber gotibû, "Di rehê min de xwîna Kurd heye" navê wî bi Kurdîtiyê derketibû.

Berî mirina xwe Turgut Özal, li ser avakirina partiyek nû dixebitî. Bi damezirandina partiyê, dixwest guherînên civakî, siyasî, îdarî û aborî li Tirkiyê bike. Her wiha der mafê gelemşaya Kurdî de jî, dixwest gavnana biavêta û bi riya siyasetê vê gelse çareser bikira.

Jİ ÖCALAN MESAJA SERXWEŞIYÊ

Serokê Partiya Karkerên Kurdistanê Abdullah Öcalan, li ser mirina Serokkomarê Tirkiyê Turgut Özal, bi riya rojnameya Cumhuriyetê mesaja serxweşiyê jî malbata wî û neteweya Tirk re şand. Di mesaja xwe de Öcalan dide xuyan ku, ber bi mirina Özal ketiye û pê xemgînî bûye. Öcalan di mesaja xwe de wiha dibêje: " Bi

taybetî der barê meseleya Kurdî de, bi wesîteya Telabanî, ji bo helkîrîna pirsgerê Kurdî bi awayekî medenî me jê mesajên girîng standiye. Ev mesaj tesîra xwe li me kiriyê. Bila serê malbata wî û serê neteweya Tirk sax be."

KURTEJİYANA ÖZAL

Özal sala 1927'an li bajarê Meletê hate dinyayê, dibistana seretay, navîn û lîseyê li bajarên cur be cur, ji ber karmendbûna malbata xwe xwendiyê. Fakulteya Muhendîsiyê Beşa Elektrîkê ya Zanîngeha Teknikê ya Stenbolê.

di sala 1950'î de diqedîne. Di sala 1966'an de dest bi karê Musteşariya Rêxistina Plan a Dewletê (DPT) dike, piştî Derbeya Leşkerî ya 12'ê Adara sala 1972'yan ji kar tê avêtin û demekê di Bankaya Dinyayê de dixebite. Piştî ku dizivire Tirkiyê, dest bi karê Koordînatoriya Giştî ya Sabancı Holdingê dike, di sala 1976'an de. Di sala 1977'an de ji MSP'ê (Partiya Selametiya Mîlî) li bajarê İzmirê beşdarî hilbijîna giştî dibe, lê bi ser nakeve. Dû re dibe serokê MESS'ê.

Turgut Özal, di sala 1979'an de dibe Musteşarê Serokwezîrtiyê û Rêxistina Plan a Dewletê (DPT). Di Hikûmeta Bülent Ulusu de piştî 12'ê Îlonê peywira Cigirê Serokwezîrtiyê dike. Li ser bûyera bankertiye dev ji peywira xwe berdide û di sala 1983'yan de ANAP'ê dadimeziîne. Di hilbijîna pêşîn de partiya wî bi ser dikeve û dibe serokwezîr. Di hilbijîna 1987'an de jî bi ser dikeve û kurt-siyê xwe diparêze.

Özal her wiha di Cotmeha 1989'an de jî, Serokkomarê 8. hat hilbijartin. Heta dema ku ji ber sekteya dil mir li ser peywira xwe bû, Özal bavê du kuran û keçekê bû, pîreka wî hê jî li jiyana ye.

DÊ RASTÎ VEŞARÎ NEMÎNIN

JI NÛ VE

Gündem

Gündem, Berhemîz, Serxweşî, Gêzîkî

Vine köy bombalanın

yıkıldı ve Çukurca'da vergi peşinde

ALİ FIRAT	ERTUĞRUL KÜRKÇÜ	FAİK BULUT	HATİP DİCLE	NEVZAT ÖZBAY	A. DİKİLİ
M.CAN YÜCE	RAGİP ZARAKOLU	ERCAN KANAR	MAHMUT KILINÇ	HÜSEYİN KAYTAN	A.KADİR KONUK
İSMAIL BEŞİKÇİ	FİKRET BAŞKAYA	SABİH ÖZER	KEMAL OKUTAN	CEMŞİD BENDER	REMZİ İNANÇ
İRFAN DAYIOĞLU	ASLAN BAŞER	NEBAHAT AKKOÇ	AHMET TİMURTAŞ	BEKİR MERİÇ	İSMAIL GÖLDAŞ
SERVER TANILLI	KAFALOĞLU	ÇETİN ÖZEL	SEDAT YURTDAS	DURŞUN ALI	AKİF KURTULUŞ
YAŞAR KAYA	ALİ DOĞAN	M.RUHİ KÖSE	SEDAT ASLANTAŞ	KÜÇÜK SELİM FIRAT	GÜRDAL AKSOY
		MÜNİR CEYLAN			HAŞİM HAŞİMİ

DI 26'Ê NİSANÊ DE



NAVENDA ÇANDA MEZOPOTAMYA LI KURDISTANA BAŞÛR

NÇM (Navenda Çanda Mezopotamya) ji bo li başûrê Kurdistanê jî şaxeke xwe veke, dest bi xebatan kir. Navenda NÇM'ê li Stenbolê ye. Demeke berê li Amedê jî şaxeke xwe vekiribû. Serokê NÇM'ê İbrahim Gürbüz, demeke berê li Enqerê vê daxwaza Navendê pêşkêşî Serokê YNK'ê Celal Telabanî kiribû. Celal Telabanî jî, erênîya xwe dabû vê projeyê. Piştî vê hevdişînê Rêveberiya Navendê, ji bo li başûrê Kurdistanê jî, şaxeke xwe veke dest bi xebatên xwe kir. Ji bo pêkanîna vê projeyê, dê di rojên pêş de heyetek ji Navendê biçe başûrê Kurdistanê.



Li Kurdistanê heyetek piştgir

Navenda Nûçeyan- Heyetek ji Rexistina Efûyê ya Navneteweyî, Rojnamevanên Navneteweyî yên Sinor Nas Nakin û ji Evûqatan, di 16'ê Nisanê de hatin Amedê. Heyet ji 8 kesan pêk tê û bi mebesta piştgiriya hatine.

Di vê heyetê de avûqat, rojnamevan, bernamevan, TV'yê û ji Rêxistina Efûyê ya Navneteweyî kes hene. Heyet di navbera 16 û 21'ê Nisanê de, li hêrê mebatên xwe bidomînin û encama xebatên xwe de pêşkêşî konferansa Mafên Mirovan û Dijberî Şer bikin. Konferans di meha Hezî-

ranê de dê li bajarê Viyanayê ya Avusturyayê çêbibe.

Heyet bi serokatiya Av. Jan Fermon û Rojnamevan Benoît Moulin ve serî li Komeleya Mafên Mirovan şaxê Amedê, rêxistina HEP'ê (Partiya Keda Gel) ya Amedê û buroya rojnameya Gündemê ya Amedê xistin.

Heyet bi rêveberên van rêxistinên re ket têkiliyê û li ser rewşa herêmê ji wan agahî standin. Her wiha heyet di dema serdana xwe ya rêxistina HEP'ê de, bi lêzîmên kesên girtî û cezaxwarî re ku di greva birçibûnê de bûn jî tekilî danîn û der barê rewşa wan ku kesên girtî û

cezaxwarî de agahî ji wan stand.

Heyet xebata xwe ya li ser rewşa girtî û cezaxwarîyan, li ser rewşa rojnamegerî, rêxistin û saziyên demokratîk, rewşa gelê Kurd bi rêvebirên sazî û sazandeyan re muleqat û kêşanê TV'yê kirin.

Kesên ku di vê heyeta ku ji bo piştgiriya vê geştê li darxistine, navê çend kesên jê ev in: Av. Georges-Henri Beauthier (Belçîqa) Rojnamevan Benoît Moulin (Fransa), Av. Jan Ferman (Belçîqa), Edith Aerts (Belçîqa-TV), Michael Anglade (Fransa-TV)

Li Eyaleta Amedê çûna leşkeriyê hate qedexekirin

Li Eyaleta Amedê, Konseya Leşkerî ya ARGK'ê bi belavokê, çûna leşkeriya ordiya KT (TC)'ê li xortên Kurd qedexe kir. ARGK a Eyaleta Amedê, bangî xortên Kurd kir ku werin di refên gerîla de leşkeriyê bikin.

Konseya Leşkerî ya Eyaleta Amedê, di 8'ê Nisanê de, bi belavokê, li xortên Kurd çûna leşkeriya ji bo Ordîya Tirk qedexe kir. Bi belavokê bang li xortên Kurd hate kirin ku, werin di refên gerîla de leşkeriyê bikin. Di belavokê de, tê diyarkirin ku, ji sisiya yekî ordiya Tirk ji xortên Kurd pêk hatiye û dê ji îro pê ve neyê qebûl kirin ku, xortên Kurd di vê ordiya ku îmhakirina Kurdan kiriye leşkerî bikin. Di dumahîka belavokê de wiha tê gotin:

"Ji sisiya yekî ordiya KT'ê xortên Kurd in. Berê, ger ku xortên Kurd neçûna leşkeriyê di viyabû ku, welatê xwe biterikînin. Lê îro, hema hema hemû deşt û çiyayên eyaletê me, ne di bin destê dijmin de ne û dijmin bi tu awayî nikare bikeve vê hêlê.

"Divê êdî xortên Kurd, di ordiya xwe ARGK'ê de leşkerî bikin û di refên ARGK'ê de bigihîje doza serxwebûn, azadî, şeref, namûs û dînê xwe. Divê tu malbat ên ku ji xwe re dibêjin, ez Kurd im, welatparêz im, heta însan im li dijî vê biryarê dernekevin".

Di belavokê de tê diyarkirin ku, yên li dijî vê biryarê derkevin, dê bi pere û awayên din bêne cezakirin.

Şadûmaniyên 1'ê Gulanê li Amedê qedexe ne

Sendîkayên karkeran, ji bo şadûmaniyên 1'ê Gulanê destûr xwestin, lê Waliyê Rêveberiya Taybetî vê daxwazê red kir.

Cejna karkerên dinê 1'ê Gulanê, weke her carî, li Tirkiyê û li Kurdistanê bû sebebê gengeşiyên mezin. Dewleta Tirk, bi tu awayî rê nade ku şadûmaniyên 1'ê Gulanê bi serbestî bêne lidarxistin. Ev jî dibe sebeb ku, her sal bi sedan mirov tene girtin, birîndarî û kuştin çêdibin.

Li Tirkiyê, hê jî ne diyar e ku, dê kê û li ku derê şadûmaniya 1'ê Gulanê li dar bikeve. Lewre Sendîka û saziyên demokratîk ji bo pîrozbahiyê hevkar, li hev û din nakin. Hin ji wan li gor daxwazên dewletê, şadûmaniyên 1'ê Gulanê mehkûmê salonan dikin. Hin jî, li dijî vê dertên û dibêjin em dê 1'ê Gulanê li kolanan pîroz bikin.

8 ji sendîkayên Amedê jî, ji bo di 1'ê Gulanê de li meydana pîroz bikin, ji rayedarên dewletê destûr xwestin. Lê Waliyê Rêveberiya Taybetî vê destûrê neda.

Li gorî ku xuya dibe, dê dîsa şoreşger bêdestûr derkevin kolanan û dê dîsa di 1'ê Gulanê de xwîn bê rijandin.

Konferansa PKK'ê ya Eyaleta Amedê pêk hat

Li gor agahiyên ku ji çavkaniyên gerîla digihêne destê me, Konferansa Yekemîn a PKK'ê ya Eyaleta Amedê, di 3-17'ê Adarê de pêk hatiye.

Konferansa yekemîn, li çiyayên bakurê Amedê bi beşdariyê xurt pêk hatiye û di konferansê de biryarên girîng hatine girtin. Li gor agahiyên çavkaniyan, di konferansê de, bi tundî li ser rewşa gerîla û sala 1993'an hatîye rawestandî û şertên nû hatine nixandî. Di encama beyana li ser vê konferansê de wiha hatîye nivîsin:

"Sala 1992'ê bi giştî hate nixandî. Li ser gavetînen 1993'an guftûgo pêk hatin. Biryara xurtkirina rêxistinîya eniyê û ji rêxistinîya bêlûkê, derbasbûna tabûrê hate girtin.

"Ev konferansa yekemîn ji bo me gelek girîng bû. Me piştî nixandî û guftûgoyan, rewşa xwe ya şer, bi hemû awayên wê ve danî holê".

Ev kom di sala 1992'yan de li bajarê Bollnäs-Swêdê hate damezirandin. Hejmarê komê 10 zarok in û tenbûrvanê komê heval Ednan e. Ev kom bi xwe endamê Hunerkomê ye. Li gelek şevên Eniya Rizgariya Neteweya Kurdistanê û Swêdiyan beşdar bûye.

Repertuvara komê jî, stranên folklorîk in. Di gel vê jî, dê dest bi stranên nû jî bike...

Endamên komê:

1. Cahîde
2. Fatoş
3. Evîn
4. Nesrîn
5. Gulê
6. Ezîze
7. Ûsif
8. Şerîf
9. Denîz
10. Özkan

Adnan Torî berpirsiyarê komê dibêje:

Di sala 1977'an de min dest bi tenbûrê kir. Fêrbûna wê sanahî (hêsan) bû... Dema ku ez baş fêr bûm, ez li dawet û şahiyên hevalan her dem beşdar dibûm...

Di sala 1984'an de min qasetek tomar kir (dagirt). Hengê min berhevokek hebû, naveroka wê nêzîkî 60 stran bûn. Dema ez çûm leşkeriyê, leşkeran bi ser mala me ve girtin. Birayê min jî tirsan ew berhevokek şewitand. Ew jî heya ku em nekevîne belayekê... Piştî leşkeriyê min li ser lédana tenbûrê xwe pêş xist...

Ez niha li derveyê welêt im û min xwestinek heye ku, xwe bêhtir bi pêş bixînim. Hemû ji bo gel û welêt.

DU KEÇÊN ÇALAK

Şevêkê çûm mala Kek Hişyarê Cizîrî û Xanim Cîhana Betê. Keça wan Nalîn 10 salî ye, hat û destê min hejand û wê ez ji herdu rûyan

Koma Şehîd Sefqan



Heyam Cizîrî

maç kirim. Ev keça biçûk gelek hez ji min dike û weke zarokên din evîn û hêzeke bêsînor dide min! Ew jî bi saya serê şehîdan e! Ên ku di gel me dijîn... Hema bi xêra zarokên weke Nalîna hêja, hûnera min roj bi roj firehtir dibê. Nalîn gelek hez ji govendên Kurdî dike û ji min jî govenda Bablekan û Eysokê fêr bû. Zarokên weke Nalîne gelekî şanaziyê (iftixar) bi wan dikim û alîkariya wan dikim. Hemû ji bo armanca Eniyê.

Paşê, xwişka wê Heyam kemana xwe anî û ji me re

muzîk lêda. Wê alîkariyek ji min xwest, min jî li gor karîna xwe destê alîkariyê dirêj kir... Di wê şevê de me pêkve (bi hev re) muzîk lê da û min stra. Li dûmahiyê, babê wê jî stra, lê mixabin ku çî (tu) stranek neda min! Bî rastî stranên wê yên-xweş û tekûz hene.

Li dûmahiyê, ez spasiya hemû zarok û xortên Kurdan dikim û heke kêmahî û çewtiyên min hebin, bila li min biborin! Ez li hêviya evîn û hêza wan im û hemû ji bo rastiye...

Strana Dostê pêşkêşî za-

rok û xortên welatparêz dikim! Wisa pêşkêşî evîna xwe dikim, ya ku ji min dûr ketiye...

STRANA DOSTÊ

Aliyên me agir e,

dostê bistre

Şehîdê me nemir e,

dostê bistre

Lê bêdadê bistre, bistre.

Rihana Kurdistanê,

dostê bistre

Rabe ji bo jiyane,

dostê bistre

Gula Botan bistre, bistre.

Kula me ye serxwebûn.

Ava dibe bi can û xûn,

dostê bistre

Biskrîhanê bistre, bistre.

Geş bike serhildanê,

dostê bistre

Xweş bike berxwedanê,

dostê bistre

Ez gorî, de bistre, bistre.

Ji bîr neke şehîdan,


dostê bistre

Xwe dûr neke ji egîdan,


dostê bistre

Hawar e de bistre, bistre.

Beşîr Botanî



Koma Şehîd Sefqan



Beşîr Botanî û Nalîn Cizîrî

Bi muzîsyena Kurd Cemîla Celîl re li ser muzîkê sohbetek:

'Têkoşîna gel stranên me jî guherandine'

LONDON- Muzîsyena Kurd a navdar Cemîla Celîl wiha dibêje: "Têkoşîna gel stranên me jî guherandine." Cemîla Celîl li paytexta Îngilîstanê, London, der heqê diroka stranên Kurdî de ditînen xwe diyar kirin. Di axaftina xwe de, li ser zilm û zora li ser gelê Kurd jî sekînî û wiha got: "Berê stranbêjan li gel evîniyê xeber jî dimeşandin. Lê niha helbestvanî jî pêşve ketiye. Û stranbêj, helbestên neteweyî û şerê gelê me dikin stran û dibêjin. Yek ji van helbestvanan Cegerxwîn e. Niha tesîra pêşmerge û gerîlayên me jî li ser stranbêjiya me heye."

Cemîla Celîl der heqê diroka zargotina Kurdan de jî ditînen xwe wiha anî ziman: "Zargotina gelê Kurd pîrr dewlemend e. Ne tenê pisporên Kurdî, lê gelek kesên ji derve jî li ser zargotina Kurdan xebatê dikin. Helbestên Kurdî yên epîk û kevneşopên zargotinî, wek dengbêjan jî li gel stranên Kurdî bala zanyaran dikişînin. Stranên ayînen olî (dîni) yên Yezîdîyan tradîsyonên pîrr dewlemend bi xwe re tînin."

Cemîla Celîl di nav zargotina Kurdan de cihê stranan wiha danî: "Di nava zargotina Kurdan de cihê berbiçav û hêja, stran digirin. Van stranan em dikarin bi çar babetan parve bikin. Stranên gundiyan, stranên bajarvaniyê, stranên evîniyê û stranên ayînen olî. Li vir em diyar bikin ku, qewl û beytên Yezîdîyan ên olî bi stran û maqamên gotin. Lewma jî ew jî cihê di nava rêza stranan de digirin."

STRAN JI WINDABÛNÊ XELAS BÛNE

Cemîla Celîl li ser xebatên stranbêjiya Kurdan a li Ermenîstanê jî sekînî: "Di sedsala me de, ji salên 1930'an vir ve, li Ermenîstanê, komkirina bernivîsar û çapkirina zargotina Kurdan û pê re stranên Kurdan bi xurtî pêşve çûye. Di nav Kurdên Yezîdî de gelek xebat hatiye kirin û stranên Kurdî hatine berhev-



Cemîla Celîl (aliyê rastê) bi Fatoş Güney re

Cemîla Celîl li ser diroka stranên Kurdî peyivî û di peyvîna xwe de li ser têkiliyên zilm û zora li ser gelê Kurd û stranbêjiyê jî sekînî û wiha got: "Gelê me li hember zilm û zordariyê naşikê, li pêş şîna giran şahiyê dike, namire. Berê stranbêjan li gel evîniyê xeber jî dimeşandin. Lê niha helbestvanî jî pêşve ketiye. Û stranbêj helbestên neteweyî û şerê gelê me dikin stran û dibêjin. Yek ji van helbestvanan Cegerxwîn e. Niha tesîra pêşmerge û gerîlayên me jî li ser stranbêjiya me heye."

HELBESTÊN NETEWETIYÊ Û ŞERÊ GEL

kirin. Garo Saqaryan bi navê stranên Kurdî yên gelê berhevokê amade kir. Di vê de 127 stranên Kurdî hene, stranên govendê, yên listikan, hwd. Qompozîtorekî Ermenî, Melikyan, dengnivîsara stranên Kurdan ji zarokên Yezîdî hildaye û di sala 1949 û 1952'an de, li gel stranên Ermenî yên gelêrî, çap kirine.

Di berhevkirin, parastin û belavkirina stranên Kurdî de, cihê girîng yê Radyoya Ermenîyan a Êrîvanê Beşê Kurdî jî heye. Gelek stran hatine nivîsîn û ji windabûnê xelas bûne."

Cemîla Celîl di axaftina xwe de cih da zilm û zora li ser gelê Kurd û tesîra wê ya li ser stranan rave kir.

"Di roja îro de zargotina Kurdan a stranbêjî û evîniyê di nava gel de dom dike. Lê niha di parçeyê Iraq û Tirkiyê de li ser Kurdan qirkirin û jenosîd hene. Ev jî tesîrê li ser stranên Kurdî dike. Gelê me li hember zilm û zordariyê naşikê. Li pêş şîna giran şahiyê dike, namire. Berê stranbêjan li gel evîniyê xeber jî di-

meşandin. Lê niha helbestvanî jî pêşve ketiye. Û stranbêj helbestên neteweyî û şerê gelê me dikin stran û dibêjin. Yek ji van helbestvanan Cegerxwîn e. Niha tesîra pêşmerge û gerîlayên me jî li ser stranbêjiya me heye."

STRANÊN GOVEND Û EVÎNIYÊ

Cemîla Celîl, di dawîya axaftina xwe de li ser stranên govend û evîniyê sekînî. "Di nava stranbêjiya Kurdî de, stranên govendê cihê berbiçav digirin. Stranbêj di şahî û dawetan de, gelek car def û

zurne sekinandine û bi stran û rîtmên xwe, bi saetan govend meşandine. Stranên gelê cure ne: Ya pêşin rîtm, ya duduyan xeber, ya sisêyan cihê pêşin xeber, paşê melodî digire.

Di nava stranên Kurdî de stranên evîniyê cihê pîrr xurt digirin. Kîjan jin û mêrê Kurd dikare evîna xwe bi stran bibêje. Weke ku keçika ku ji lawikê diçe xerîbiyê re, bi dileki bi şewat, tije derd û xem dibêje: "Lawiko qurban, gava ku tu çûyî welatê xerîbiyê, min bike sêveke sor têxe bêriya xwe."

welat

- Li ser navê ÎMC Basın-Yayın Ltd. Şti. (adına) Xwedî (Sahibi) Zübeyir Aydar
- Berpirsiyarê Giştî (Genel Yayın Yönetmeni) Abdullah Keskin • Berpirsiyarê Nivîsaran (Yazı İşleri Müdürü) Mazhar Günbat
- Navnîşan (Adres) Başmusahip Sok. Talas Han 16 Kat:3 No:301 • Tel (fax) 512 12 87
- Berpirsiyariya Ewrûpa • Postfach: 1531, 5300 Bonn 1, Germany • Tel: (49) 228-630990 • Fax: (49) 228-630715
- Berpirsiyariya Fransa: Amed Jemo • Rua G-401 92763 Antony Cedex France
- Çapkirin (Baskı) Metinler Matbaacılık • Belavkirin (Dağıtım) Birleşik Basın Dağıtım AŞ